



Broj: 01/1-50 - 3-1-37/16

Veza broj: 01,02-02-1-2194/16

Sarajevo, 2. 11. 2016.

Ustavnopravno povjerenstvo
BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:		03-11-2016	
Organizaciona jedinica	Klasifikaciona oznaka	Broj oloj	Broj priloga

PREDSJEDAVAJUĆEM PREDSTAVNIČKOG DOMA

Na osnovu člana 120. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH”, br. 79/14, 81/15 i 97/15), Ustavnopravna komisija Predstavničkog doma Parlamentarne skupštine Bosne i Hercegovine podnosi sljedeći

IZVJEŠTAJ

**o Prijedlogu zakona o izmjenama i dopunama
Zakona o udruženjima i fondacijama Bosne i Hercegovine**

Predstavnički dom je na 36. sjednici, održanoj 19. 10. 2016., usvojio u prvom čitanju Prijedlog zakona o izmjenama i dopunama Zakona o udruženjima i fondacijama Bosne i Hercegovine, predlagača Vijeća ministara BiH, koji se razmatra po osnovnom zakonodavnom postupku.

Ustavnopravna komisija je na 37. sjednici, održanoj 2. 11. 2016., razmatrala Prijedlog zakona o izmjenama i dopunama Zakona o udruženjima i fondacijama Bosne i Hercegovine u drugoj fazi pred nadležnom komisijom.

Na tekst Prijedloga zakona poslanik Nikola Lovrinović podnio je osam amandmana.

Nakon rasprave Komisija je, s četiri glasa „za“ bez glasova „protiv“ i s jednim glasom „suzdržan“, odlučila da objedini glasanje o svim amandmanima.

Komisija je, s tri glasa „za“ bez glasova „protiv“ i s dva glasa „suzdržan“, usvojila amandmane koji glase:

Amandman I.

U članu 2., u novom stavu (5), riječi: „(u daljem tekstu: Ministarstvo)“, brišu se.

Amandman II.

Član 6. mijenja se i glasi:

„Član 6.

U članu 9. stav (1) mijenja se i glasi:

„(1) Udruženje mogu osnovati najmanje tri osnivača. Osnivači udruženja mogu biti fizička lica koje su državljani Bosne i Hercegovine i stranci koji u Bosni i Hercegovini imaju boravište ili pravna lica koje su u Bosni i Hercegovini registrovana. Udruženje mogu osnovati međusobno fizička i pravna lica, ali broj osnivača ne može biti manji od tri.“

Amandman III.

Član 8. mijenja se i glasi:

„Član 8.

U članu 12., u stavu (1), u tački h), iza riječi "pečata", dodaju se riječi: „i znaka udruženja;“.

Amandman IV.

U članu 9. kojim se mijenja član 13. Zakona, u stavu (3) koji postaje stav (2), iza riječi „interesa“, dodaju se riječi: „koje donose institucije Bosne i Hercegovine“.

Dosadašnji stav (2) postaje stav (3).

Stav (4) mijenja se i glasi:

„(4) Aktivnostima od javnog interesa udruženja smatraju se posebno aktivnosti udruženja koje doprinose promociji: ljudskih prava, prava lica sa invaliditetom, zaštite djece sa poteškoćama u razvoju, prava nacionalnih manjina, jednakosti i ravnopravnosti u borbi protiv diskriminacije, zaštite od nasilja, aktivnosti djece i mladih, borbe protiv različitih oblika ovisnosti, razvijanje volonterizma, humanitarnih aktivnosti, socijalne zaštite, zaštite okoliša, zaštite prirode, zaštite zdravlja ljudi, umjetnosti, obrazovanja, kulture i svih drugih aktivnosti koje se po svojoj prirodi mogu smatrati djelovanjem od javnog interesa.“

U stavovima (5) i (6), riječi: „iz stava (4) ovog člana“, zamjenjuju se riječima: “od javnog interesa“.

Amandman V.

U članu 11., koji se odnosi na član 18. Zakona, riječi: „stav 1.“, brišu se.

U tački b), na kraju teksta, interpunkcijski znak „tačka“, mijenja se interpunkcijski znakom “tačka-zarez“.

Amandman VI.

Član 12. mijenja se i glasi:

„Član 12.

Član 21. mijenja se i glasi:

„Član 21.

(1) Fondacija koja je upisana u Registar može provoditi programe i projekte od javnog interesa.

(2) Programima ili projektima od javnog interesa smatraju se zaokružene i tematski jasno određene aktivnosti čije provođenje kroz dugoročni ili vremenski ograničeni rok djelovanja daju prepoznatljivu dodatnu društvenu vrijednost kojom se podiže kvalitet života pojedinaca, odnosno unaprijeđuje razvoj društvene zajednice. Aktivnostima od javnog interesa fondacija smatraju se posebno aktivnosti fondacije koje doprinose promociji: ljudskih prava, prava lica sa invaliditetom, zaštite djece sa poteškoćama u razvoju, prava nacionalnih manjina, jednakosti i ravnopravnosti u borbi protiv diskriminacije, zaštite od nasilja, aktivnosti djece i mladih, borbe protiv različitih oblika ovisnosti, razvitka volonterizma, humanitarnih aktivnosti, socijalne zaštite, zaštite okoliša, zaštite prirode, zaštite zdravlja ljudi, umjetnosti, obrazovanja, kulture i svih drugih aktivnosti koje se po svojoj prirodi mogu smatrati djelovanjem od javnog interesa.

(3) Institucije Bosne i Hercegovine na osnovu provedenog javnog poziva, odnosno konkursa, zaključuju ugovore sa fondacijama o provođenju programa ili projekata od javnog interesa.

(4) Fondacija koja je dobila sredstva za provođenje programa ili projekata, iz stava (2) ovog člana, podnosi izvještaj davaocu sredstava i informiše javnost putem svoje web-stranice. Fondacija koja je dobila sredstva za provođenje programa ili projekata, iz stava (2) ovog člana, u provođenju programa ili projekta može ostvariti porezne, carinske i druge olakšice u skladu s posebnim propisima.

(5) Vijeće ministara Bosne i Hercegovine će, na prijedlog Ministarstva, donijeti podzakonski akt kojim će urediti kriterije za izradu i provođenje programa i projekata od javnog interesa koje mogu provoditi fondacije.

(6) Registrovana fondacija može se spojiti ili podijeliti u drugu fondaciju. Spajanje je osnivanje nove fondacije na koju prelazi cjelokupna imovina fondacija koje se spajaju. Spajanjem, fondacija prestaje postojati, a na postupak spajanja fondacija primjenjuju se odredbe ovog zakona o osnivanju fondacija. Fondacija se može podijeliti na dvije ili više fondacija. Podijeljena fondacija prestaje postojati, a na postupak upisa novonastalih fondacija primjenjuju se odredbe ovog zakona o osnivanju fondacija.

(7) Fondacija može osnovati svoje urede, predstavništva i podružnice u skladu s odredbama statuta.“

Amandman VII.

U članu 25. riječi: „i 56b.“ brišu se, a u novom članu 56a., u stavu (2), iza riječi „kriterije“ dodaju se riječi: „i uvijek“.

Amandman VIII.

U Prijedlogu zakona na bosanskom i hrvatskom jeziku, u članu 18. koji se odnosi na član 31. Zakona, u stavu (1), tačke: m), n), o), p), q), r), s), t), u), v), w) i x) postaju tačke: a), b), c), d), e), f), g), h), i), j), k) i l).

U Prijedlogu zakona na bosanskom i hrvatskom jeziku, u članu 19. koji se odnosi na član 33. Zakona, u stavu (1), tačke: m), n), o), p), q), r), s) i t) postaju tačke: a), b), c), d), e), f), g) i h).

U Prijedlogu zakona na srpskom jeziku, u članu 18. koji se odnosi na član 31. Zakona, u stavu (1), tačke: y), z), aa), bb), cc), dd), ee), ff), gg), hh), ii) i jj) postaju tačke: a), b), c), d), e), f), g), h), i), j), k) i l).

U Prijedlogu zakona na srpskom jeziku, u članu 19., koji se odnosi na član 33. Zakona, u stavu (1), tačke: y), z), aa), bb), cc), dd), ee) i ff), postaju tačke: a), b), c), d), e), f), g) i h).

U svim odredbama Prijedloga zakona, u kojima je stav normativno - tehnički označen kao redni broj, oznaka stava mijenja se brojem stava u zatvorenoj zagradi u skladu s Jedinstvenim pravilima za izradu propisa u institucijama BiH.

Komisija je, s tri glasa „za“, s jednim glasom „protiv“ i s jednim glasom „suzdržan“:

- usvojila Prijedlog zakona o izmjenama i dopunama Zakona o udruženjima i fondacijama Bosne i Hercegovine s usvojenim amandmanima i predlaže Predstavničkom domu da usvoji ovaj prijedlog zakona.



PREDSTEDAVAJUĆI KOMISIJE

Damir Arnaut

Dostaviti:

- Kolegiju Predstavničkog doma
- a/a